



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.  
Apparatus Doctrinae Sacrae**

**Archdekin, Richard**

**Dilingae, 1687**

Additus nunc novus Conceptuum apparatus ad omnes totius Anni  
Dominicas, & Festa.

**urn:nbn:de:hbz:466:1-38464**

Tertia pars simili modo conficietur, de felici morte & gloria hujus Sancti, auditores hortando ad ejus imitationem, felicem mortem, amorem Dei, spem gloriæ, recurrendo in Apparatu ad *V. Mors, Amor Dei, Spes, Gloria celestis &c.*

Censui etiam, pro majori Lectoris commodo, hic in particulari subjiçendam seriem omnium Festorum per annum, cum brevi Annotatione Diei, Mensis, Evangelii, & Materie quæ ex Apparatu, aut aliunde in singulis adhiberi possit.

## FESTORUM OMNIUM

### Series per Annum, cum Annotatione Diei, Evangelii, Materie &c.

*Festum Purificationis B. Mariæ.*

2. Februarii, Evang.

**P**ostquam impleti sunt dies purgationis Mariæ secundum legem Moysi &c. Luca c. 2. Hoc die acquirenda est puritas animi ab omni nivo peccati: Vide in Apparatu, *Penitentia, Confessio, Peccatum, Castitas &c.*

*Veni in spiritu in templum*, scil. Simeon. Quo docemur, spiritu pietatis, & reverentiæ ad templum, & Eucharistiam veniendum, ut Christum, in ulnas & animum recipiamus: vide in Apparatu, *Eucharistia, Ecclesia, Amor, Gratitude.*

*Lumen ad revelationem gentium.* Quisque in suo statu, lucernam justitiæ Christianæ gerere debet bono exemplo. Debent Christiani in Ecclesia Dei lucere velut mundi cerei, qui in hoc Festo exhibentur.

*Nunc dimittite servum tuum &c.* Securus vivit & moritur Jesu & Mariæ cultor in lumine fidei, spei, & charitatis: qui hæc negligit, mortis metu semper trepidat.

*F. S. Matthiæ Apostoli. 24. Feb.*

**C**onfiteor tibi Pater, Domine cali & terra. Matth. c. 11. Quam necessarium est firma fide Deum confiteri, & in ejus paterna bonitate considerare, præsertim inter hujus vitæ tribulationes & persecutiones, vide in Apparatu *Fides, Fiancia, Benignitas divina, Tribulatio &c.*

*Discite à me quia mitis sum*, vide bona *Patientia. Et humilis corde*, vide in Apparatu exempla *Humilitatis*, in Christo, & Sanctis.

*Cecidi fors super Matthiam*, Matth. 21. Non est fors aut fortuna humana quæ cuncta regit, sed divina providentia, cujus hæc fors effectus fuit. Quisque suam à Divina electione reprobationem sibi adscribere debet.

*Venite ad me omnes qui laboratis &c.* Exoneratio cordis à pondere peccati parit summam animi quietem. Promittitur auxilium & solamen oneratis, & libertinis ad Deum recurrentibus.

*Discite à me quia mitis sum & humilis corde.* In mansuetudine & humilitate perfecta cordis quies sita est.

*Tollite jugum meum super vos.* Servitium Dei pacificum & honorabile est.

*Jugum meum suave est & onus meum leve.* Unctio gratiæ Dei cum spiritu patientiæ, reddit jugum crucis leve.

*F. Annuntiationis B. V. 25. Mart.*

**I**ngressus Angelus ad eam dixit, *Ave gratia plena*, Luca 1. Quanta sit plenitudo gratiarum in Virgine Dei-

para, vide in Appar. *Deipara*, item de cultu *Deiparæ* & Sanctorum contra Novatores *sup. Theol. Trip. Tom. 1. pag. 231.*

*Ecce ancilla Domini fiat mihi secundum verbum tuum.* Virgo Maria per humilitatem concepit, & Deum ter effecta, & supra omnes puras creaturas exaltata est: quam ergo nobis operandum humiliari in terris, ut exaltemur in caelis, *V. in Apparatu Humilitas, Beatitudo, Gloria.*

*Respexit humilitatem ancilla sua.* Felix quem Deus oculo gratiæ suæ respicit, ut exaltet, præcipue humiles.

*Missus est Angelus Gabriel.* Homo humilis maxime Angeli dignus est confortio.

*F. S. Philippi & Jacobi Apost. 1. Maj.*

**N**on turbetur cor vestrum, creditis in Deum, & in me creditis, Joan. 14. Quanti momenti sit vera fides, vide in Apparatu *Fides*. Sed sola Fides non sufficit ad salutem sine bonis operibus, vide de hoc in *Theol. Trip. Tom. 1. pag. 191.*

*In domo Patris mei mansiones multa sunt.* In celo quam vulta sint beatis caelorum spatia. Quanta & quam diversa animi & corporis felicitas, vide in Apparatu *Beatitudo.*

*Offende nobis Patrem & sufficit nobis.* Abnegande sunt creaturæ ut Creator inveniat, qui solus animum satiat, vide *Abnegatio.*

*Non turbetur cor vestrum.* Difficillimum sanè est in hoc tribulento mundi pelago se quietum, & imperturbatum conservare. Stoici omnem sollicitudinem ex corde humano auferre studebant, sed in vanum laborarunt, solus id potest mundi propter Deum contemptus.

*F. Nativitatis S. Joannis Baptista. 24. Jun.*

**E**lisabeth impletum est tempus pariendi, Luca cap. 7. Non sufficit concipere bona proposita, sed debet adesse tempus pariendi in exequendo: Vide *Penitentia, Abstinentia*, & alias virtutes. Nec parentibus sufficit prolem parere, sed debent illam in bonis moribus educare: Vide in Appar. *Filiorum educatio*: Et *Zacharius Pater ejus repletus est Spiritu sancto*. Multi magis student repleti vino, aut opibus, quam Spiritu sancto orationis, & amoris Dei, vide in Appar. *Ebrietas, Avaritia, Oratio, Amor Dei.*

*Quis putas puer iste erit* Luca 1. Præstat magnum esse coram Domino quam mundo: Quisque hic in Theatro mundi placere debet Creatori suo & spectatori Deo apud quem præferuntur pauperes & humiles servi Dei cum sancto Joanne.

*F. SS. Petri & Pauli Apostol. 29. Junii.*

**Q**uem dicunt homines esse Filium hominis? Matthiæ cap. 16. Notæ & signa quibus vera Christi Ecclesia à modernis Sectis discernitur, vide in *Theol. Trip. Tom. 1. pag. 52.*

*Tu es Petrus & super hanc petram edificabo Ecclesiam meam.* Agnosce ada est necessaria auctoritas in fallibilis in Pontifice Romano Petri successore, vide in *Theol. Trip. Tom. 1. &c. Quodcumque solveris super terram erit solutum & in caelis*: Vide ibidem de Confessione peccatorum, & in Appar. *Ver. Confessio.*

*Caro & sanguis non revelavit tibi.* Fides & zelus gloriæ Dei à carne & sanguine non docentur: Contra suggerunt homini caro, & Spiritus Dei: Terrena tantum non cælestia à carne & sanguine suadentur.

*F. S. J.*

Arde  
kin

Theo  
logia

D. 11  
...



*F. Visitationis B. Mariæ, 2. Iulii.*

**E**xurgens Maria abiit in montana cum festinatione, *Luca c. 1.* Nescit tarda molimina Spiritus sancti gratia, Vide in Appar. *Amor, Zelus.*

*Unde hoc mihi ut veniat mater Domini mei ad me?* Accommodandum hoc est adventui Christi ad nos in Communione, Vide in Appar. *Eucharistia.*

*Beata qua credidisti.* Vera fides radix beatitudinis, vide in Apparatu. *Fides, Beatitudo.*

*Abiit in montana cum festinatione:* Mulieres extra domos suas festinanter sua peragere debent sine otiosa evagatione.

*Et visitavit:* Quomodo nos Deus sæpissime visitet unum tribulatione, alterum consolatione, alterum desolatione, alium ægritudine &c.

*Exultavit spiritus meus:* Lætitia iniquorum spiritum nontangit, sicut lætitia iustorum.

*F. S. Iacobi Apostoli, 25. Iulii.*

**A**cceffit ad Jesum mater filiorum Zebedæ adorans & petens aliquid ab eo: *Matthæi cap. 20.* Oportet Deum adorare, id est, per Bona opera Iustitiam, Abstinenciam, Obedienciam mandatorum, prius honorare, & postea beneficia ab eo postulare; aliqui contrarium faciunt, & ideo quod petunt à Deo non impetrant, vide in Appar. *Obediencia, Abstinencia, Opus bonum &c.*

*Christus autem dixit ei, Quid vis?* Quanta benignitas Dei, paratus est nobis dare quod volumus, modo bona benè velimus, & ad nostram salutem, vide *Benignitas Dei.* Sed ecce stultam matris postulationem, *Dic ut sedent hi duo filii mei, unus ad dexteram tuam, & unus ad sinistram:* Vide, *Superbia.* Respondit merito Christus, *Nescitis quid petatis.* Hinc discere quid, & quomodo orandum: Vide in Apparatu, *Oratio.*

Sampsoni fortissimo similis videtur sanctus Iacobus Apostolus: etenim sicut ille sponsam gentilem acceperat; hic in Hispaniam pergendo, primus exiit Apostolorum qui Gentibus prædicavit: 2. Si Sampson moriendo plures occidit inimicos, quam vivendo, sanctus Iacobus plures post mortem quam in vita convertit: 3. Si ille in ore Leonis mel reperit, hic in ore crudelis Leonis carnicis inquam, fidei confessionem invenit: 4. Si ille in manus inimicorum suorum à dilecta sua traditus fuerit, hic propter amorem, quem erga sponsam suam, Judæam nempe, gerebat, ab Herode captus & condemnatus fuit: Uterque denique fortitudinem à sancto Spiritu se recepisse cognovit.

*Dic ut hi duo filii mei sedent &c. Matth. 20.* Prius hic standum & laborandum, & patiendum, quam sedendum in regno Dei: Qui Deum ex amore proprio colunt, sibi non Deo serviunt.

*Nescitis quid petatis:* Qui temporali præ caelestibus petit, nescit quid petat: Nesciunt parentes & homines carnales, quid sibi & filiis expectant.

*Festum Assumptionis B. Virginis, 15. Aug.*

**I**ntravit Jesus in quoddam castellum, & mulier quam Idam Martha nomine excepit eum in domum suam. Quanta merces Hospitalitatis & liberalitatis, præcipue erga Sacerdotes, & Ministros Christi: Vide in Appar. *Hospitalitas, Liberalitas.*

*Martha, sollicita es, & turbaris erga plurima.* Sic turbantur qui nimis multa volunt habere in divitiis, deliciis &c. Vide in Appar. *Avaritia, Gula &c.* Porro unum est necessarium. Veræ divitiæ, delicia, beatitudo sunt in solo Deo: Vide in Appar. *Beatitudo vera.*

Fuit beata Maria fons exiguus præ humilitate, & crevit in flumen magnum propter abundantiam gratiæ: & in solem conversa est, propter gloriam, ideoque de ca melius quam de regina Esther illud dictum fuit.

*Maria optimam partem elegit, qua non &c. Luca 10.* Pars optimâ in electione vitæ activæ & contemplativæ inveniendâ: In amicitia Jesu & Mariæ nobis pars optimâ quærendâ.

*Martha, Martha sollicita es:* Non oportet se nimis dare in conquiritendis rebus transitoriis, ne sic æterna obliviscamur.

*F. S. Bartholomæi Apost. 24. Augusti.*

**E**xit Jesus in montem orare, & erat pernoctans in oratione Dei, *Luca 6.* Quantum abluunt qui noctes & dies totos transigunt in symposiis, aut in otio, & vix mediam horam in oratione, *Missæ &c.* vide *Ebrietas, Otium, Oratio.* Et exemplum est in ipso *BARTHOLOMÆO.* qui scribitur centies de die, & centies de nocte, & quidem flexis genibus Deum orare solitum.

*Et omnis turba quærebat eum.* 1. Christum, tangere, quia virtus de illo exibat & sanabat omnes. Quare nos non sanamur à morbis nostris animi, & corporis? Quia non satis læpè & devotè quærimus Christum tangere in sacra Communione: Vide in Apparatu, *Eucharistia.*

Sponsa in Canticis dilectum suum quærens male excepta fuit ab excubiis. *Tulerunt pallium meum, vulneraverunt me.* De hoc tamen minime conquerebatur, sed præ amore Sponsi languebat. Pari modo S. Bartholomæus, adeo divino amore inflammatus fuit, ut nihili faceret pallium, id est, pellem suam amittere, modo Salvatorem suum retinere posset.

Apostolus Paulus corpus nostrum Domum vocat: Sancti de corpore exire non magis curabant, quam domo egredi. Sic S. Bartholomæus libenter propriam reliquit pellem, sciens sibi aliam meliorem præparatam.

*Rursum circumdabor pelle mea &c. Job. 19.* Induenter bonis æternis qui hic pro Christo temporalibus se exuerunt.

*F. Nativitatis B. Virginis, 8. Septemb.*

**L**iber generationis Jesu Christi, *Matthæi* vide in Apparatu, *Deipara,* & ejus prærogativas, & *Castitatem, Charitatem, &c.* ut supra in aliis ejus Festis, præsertim Annuntiationis.

*Liber generationis, Matth. 1.* Felix nobilitas Christianorum è spirituali generatione in Jesu & Maria.

*De qua natus est Jesus qui vocatur Christus.* Fortitudo animi coheredes nos facit Jesu & Mariæ.

*Ecce tabernaculum Dei cum hominibus, Apoc. 21.* Sub protectione tabernaculi Mariani cultores ejus quiescunt.

*F. S. Matthæi Apostoli, 21. Septembris.*

**V**idit Jesus hominem sedentem in telonio *Matthæum* nomine, & ait illi, *sequere me.* *Matthæi 9.* Vide hic *Benignitatem Dei* omni generi hominum dicentis, *sequere me,* 2. Quam felix de quo exemplo *Matthæi* dicitur, *Surgens secutus est eum.* Ut Christum sequaris necesse est prius surgere de cæno vitiorum, *Avaritia, Luxuria &c.* Item surgere de lecto Otii & Acediæ in quo pigri jacent: vide in Appar. *Acedia.*

*Vidit Jesus hominem sedentem, Matthæi 9.* Virtus in oculo Christi trahente miraculosa. Deferenda sunt viliora bona mundi pro pretiosis calis. Oculis divinæ misericordię miseros peccatores benignè respicit & vocat.

*Festum*



F. S. Michaelis Archangeli. 29. Septemb.

**Q**uis putas major est in regno calorum? Matth. 18. Sola humilitas hominem exaltat, Superbia autem præcipitat in ruinam, ut patet in lapsu Angelorum, & primorum parentum: vide in Apparatu *Superbia, humilitas*, Ideo Respondit Christus, *Nisi efficiamini sicut parvuli non intrabitis in regnum calorum*. Expende proprietates parvulorum esse, non studere opibus, aut honoribus, aut luxuriæ, non simulare, non mentiri, sed potius aliis se regendos & docendos præbere: vide in Apparatu *Avaritia, Luxuria, Astutia, Mendacium*. E contra qui volunt in mundo magni esse, student artibus politicis, simulationi, mendacio: vide in Appar. *Simulatio, Mendacium, Hypocrisis*. De his simulandi artibus politicis, præclara sunt quæ deducit S. Gregorius in lib. 10. Moral. cap. 6. & habentur in Lect. 2. Noturni de communi Confessoris non Pont. *Deridetur justis simplicitas &c.*

*Angelus Jesus mandavit de se &c. Psal. 90* De auxiliis, protectione & dignitate Angelorum. Vita humana periculis multis obnoxia, eget Angelo tutelari. Angelorum custodia omnibus necessaria, ob infirmitatem & ignorantiam.

Festum SS. Simonis & Jude. 28. Octob.

**H**ec mando vobis ut diligatis invicem. Joan. cap. 15. vide in Apparatu *Amor proximi*. Cui contrariatur, *Odiu, Invidia*, ibidem. *Si mundus vos odit, scitote quia me priorem vobis odio habuit*: vide in Appar. *Patentia, Persecutio*.

*Si mundus vos odit, scitote quia me &c. Joan 15.* Amicis & discipulis Christi parum curandum mundi odium. *Memento sermones mei, non est servus major Domino suo.* Solatium afflictis affert Christi exemplum, & monitum.

*Si non venissem & locutus fuisset eis &c.* Culpa cuiusque est. non uti mediis in statu suo ad salutem necessariis.

*Mundus me odit, quia ego testimonium perhibeo.* Veritas correptionis odium parit, improbis & superbis.

F. S. Sanctorum omnium. 1. Novembris.

**B**eate pauperes spiritum, Marci c. 5. Mundus ponit suam beatitudinem in divitiis, & honoribus, Christus in paupertate & contemptu mundi: vide in Appar. *Beatitudo vera, Abnegatio mundi*: contra, *Avaritia, superbia*, ibid. *Beati qui lugent*, v. Penitentia. *Beati misericordes*, vide *Liberaltas, Eleemosyna &c.* ibid. *Beati pacifici*, v. *Pax*. *Beati qui persecutionem patiuntur*, v. *Persecutio, Odium &c.*

*Beati qui persecutionem patiuntur &c.* Hinc Beatitudo celestis contrariâ lege obtinenda, quam mundana.

F. S. Andrea Apostoli 30. Novembris.

**V**enite post me. Quanta felicitas abnegare mundum & sequi Christum: Vide in Apparatu, *Abnegatio, Obedientia*, & alias virtutes hominis Christiani. *Faciam vos fieri piscatores hominum*. Tales hominum piscatores sunt qui alios hortatione & exemplo docent, & ad salutem adjuvant: vide in Apparatu. *Exhortatio, Zelus animarum*. Denique amor Crucis in S. Andrea cruci affixo, v. *Persecutio, Tribulatio, Amor Dei*.

*Ambulans juxta Mare &c. Matth. 4.* Mare tribulationis sapè optima dispositio ad conversionem, & salutem.

*Venite post me & faciam vos fieri piscatores hominum.* Filius Dei omnes ad se trahere venit ex retinaculis mundi per se & alios. Invitamur omnes ad arborem crucis ad

carpendos fructus salutis. Explicanda retia zelosa caritatis ad animas capiendas.

F. Conceptionis Immaculatæ B. V. 8. Decemb.

**L**iber generationis Jesu Christi &c. Matthæi 1. Non possumus esse amici, aut imitatores Virginis immaculate nisi per castitatem, & puritatem à macula peccati: vide in Apparatu, *Castitas, Baptismus, Peccatum*. De Immac. Conceptione, & cultu Deiparæ. Vide aliqua in Theol. Trip. Tom. 1. pag. 137.

*Psal. 19.* Opus grande est non enim homini preparatur habitatio sed Deo. Omnes suos thesauros & perfectiones Deus impendit Deiparæ Virgini, tanquam suo throno, & habitaculo.

*Sanctificabit tabernaculum suum altissimus Psal. 45.* Tabernaculum Marianum soli Dei Filio summo Sacerdoti sacratur.

*Inimicitias ponam inter te & mulierem, Gen. 2.* Sola Virgo Maria nova Eva serpentis morsum evasit, tam originalem, quam actualem.

F. S. Thomæ Apostoli, 21. Decembris.

**T**homas unus ex duodecim non erat cum eis quando venit Jesus, Joan. c. 20. Quam periculosum est abesse à consortio fidelium in templo, concione, sacro &c. vide in Apparatu, *Ecclesia, Exhortatio, Eucharistia*. Et contra Hereticos, v. in Theol. Trip. Tom. 1. notatur Ecclesiæ pag. 32. &c. & de Sacramento Eucharistiæ & Sacrificio Missæ ibid. 6. *Beati qui non viderunt, & crediderunt*: vide in Apparatu. Fides, & Eucharistia: in his Christus feliciter creditur, etiam non videatur.

*Veni Jesus Jannis clausis.* Ad Apostolos clausis januis intravit, in cor tamen Sancti Thomæ intrare noluit, nisi illud aperiret, quia hominis libertatem conservare volens, non illi violentiam adhibet.

*Pax vobis.* Justii in mediis quoque tribulationibus pacem habent.

*Dicit Jesus Thomæ, nolte esse increduli sed fideles.* Ad fidem igitur etiam pia voluntas concurrat. Requiritur fides viva, & operativa ad salutem, non sufficit mortua.

*Beati qui non viderunt & crediderunt.* Magnam hinc nobis solatium qui credimus non per sensum sed per intellectum.

F. S. Stephani Protomartyris 26. Decemb.

**E**cce ergo mitto ad vos Prophetas & Sapientes, & ex illis occidetis. Matthæi c. 23. Boni & sancti homines sunt qui præcipuè à malis persecutionem sustinent: vide in Apparatu, *Persecutio, Tribulatio, Odium*. Sed ille tribulationes sunt claves cæli. Hinc Stephanus cum lapidaretur dixit, *Ecce video calos apertos, & Jesum stantem*: vide in Apparatu, *Beatitudo, Gloria celestis, Benignitas divina*.

*Ecce video calos apertos.* Justus patiens jucundum Deo & cælo spectaculum est. Et vicissim solatium justis patientibus Christum habere spectatorem & remuneratorem.

*Lapidabant Stephanum invocantem & ascensum.* Lapidibus & malleis afflictionum aptari debemus edificatio celesti.

F. S. Joannis Evangelistæ 27. Decemb.

**C**onversus Petrus vidit illum Discipulum quem diligebat? Propter Joannis singularem Castitatem, Humilitatem, Zelum Apostolicum, Amorem erga Christum: sicut enim ignis ignem excitat. ita amor amorem: Vide in Appar. illas Virtutes, & vitia illis opposita, ut *Luxuriam, Superbiam, Accidiam*.

P. A. B. S.

Arde  
kin

Theo  
logia

D. 18  
25